



Broj: JN1-06-16-4-10-10/24

Datum: 10.12.2024. godine

Na osnovu člana 61. Zakona o upravi („Službeni glasnik BiH“, br. 32/02 i 102/09), člana 70. stav (1) i (4) Zakona o javnim nabavkama BiH („Službeni glasnik BiH, br. 39/14, 59/22 i 50/24), Koordinator za reformu javne uprave u BiH donosi

## ODLUKU

### o poništenju postupka javne nabavke računarske opreme za potrebe Kancelarije koordinatora za reformu javne uprave

#### Član 1.

Prihvata se preporuka Komisije za javnu nabavku da se okonča, odnosno poništi konkurentski postupak za nabavku računarske opreme iz razloga neusaglašenosti Obavještenja o javnoj nabavci i Tenderske dokumentacija u dijelu koji se odnosi na provođenje eAukcije.

#### Član 2.

Ova Odluka će se objaviti na web stranici Kancelarije koordinatora za reformu javne uprave istovremeno s upućivanjem ponuđačima koji su učestvovali u postupku javne nabavke u skladu sa članom 70. stav (6) Zakona o javnim nabavkama BiH.

#### Član 3.

Ova Odluka stupa na snagu danom donošenja i dostavlja se ponuđačima u roku od tri dana, a najkasnije u roku od sedam dana od dana donošenja odluke.



## Obrazloženje

Kancelarija koordinatora za reformu javne uprave pokrenula je postupak javne nabavke putem konkurentskog zahtjeva za dostavljanje ponuda za nabavku **računarske opreme** i to *Odlukom o pokretanju postupka javne nabavke računarske opreme*, broj: JN1-06-16-4-10-1/24 od 13.11.2024. godine. Obavještenje o nabavci za postupak nabavke računarske opreme za potrebe Kancelarije koordinatora za reformu javne uprave putem konkurentskog zahtjeva za dostavu ponuda objavljeno je na portalu javnih nabavki broj: 1438-7-1-11-3-2/24 od 22.11.2024. godine. Rok za dostavljanje ponuda je bio 03.12.2024. godine. Do predviđenog roka ugovorni organ nije zaprimio upite za pojašnjenje tenderske dokumentacije.

Javno otvaranje ponuda održano je 03.12.2024. godine sa početkom u 13:00 časova u prostorijama Kancelarije koordinatora za reformu javne uprave. Predstavnici ponuđača nisu prisustvovali javnom otvaranju ponuda. Dostavljanje zapisnika sa otvaranja ponuda izvršeno je prema učesnicima postupka nabavke u zakonskom roku.

Prilikom pregleda dostavljene dokumentacije ponuđača, odnosno uvidom u Obavještenje o javnoj nabavci br. 1438-7-1-11-3-2/24 koje je priloženo uz pojedinačne ponude, Komisija je konstatovala da postoji odstupanje u obavještenju o nabavci Odjeljak III tačka 2. u odnosu na Tendersku dokumentaciju u dijelu koji se odnosi na Garanciju za izvršenje ugovora- tenderskom dokumentacijom je tražena bankarska garancija a u Obavještenju o nabavci nije. Isto tako utvrđeno je odstupanje u Obavještenju o nabavci Odjeljak IV tačka 5. gdje je predviđeno da će se koristiti e-aukcija a Tenderskom dokumentacijom nije bilo predviđeno korištenje e-aukcije.

S obzirom da je Tenderskom dokumentacijom u tački 38. eAukcija jasno navedeno da Ugovorni organ neće sprovoditi eAukciju a u Obavještenju o javnoj nabavci definisano da će se provoditi eAukcija u kojem slučaju sistem za provođenje eAukcije nedozvoljava nastavak postupka bez provođenja eAukcije, a imajući u vidu da su ponuđači dostavljanjem svojih ponuda prihvatili uslove iz Tenderske dokumentacije Komisija je odlučila da se u ovom slučaju konsultuje sa Agencijom za javne nabavke- Savjetodavna kancelarija u pogledu nastavka postupka predmetne javne nabavke.

Dana 09.12.2024. godine Komisija je o predmetnom pitanju usmeno putem telefona konsultovala Savjetodavnu kancelariju Agencije za javne nabavke kojom prilikom je nedvojbeno sugerisano da neusaglašenost između Obavještenja o nabavci i Tenderske dokumentacije predstavlja nejednake uslove i dovodi u zabludu ponuđače vezano za formiranje cijene, što je protivno principima i odredbama Zakona o javnim nabavkama i podzakonskim aktima te da je u ovom slučaju najispravnije poništiti postupak javne nabavke.

Također, Pravilnikom o uvjetima i načinu korištenja E-Aukcije („Službeni glasnik BiH“ broj: 80/23 ) u članu 4. stav (4) za provođenje eAukcije je propisano da: „E-Aukcija je moguća ako je predviđena u obavijesti o nabavi i tenderskoj dokumentaciji. U slučaju primjene e-Aukcije, tenderska dokumentacija mora sadržavati odgovarajuće informacije o procesu e-Aukcije i kriterije za dodjelu ugovora koji će biti predmet e-Aukcije“.

Uzimajući u obzir sve predhodno navedeno Komisija je ocijenila da nisu ispunjeni pravni i zakonski preduslovi za nastavak postupka primjenom i provođenjem e-Aukcije, odnosno da bi nastavak ovog postupka javne nabavke bio protivan Zakonu o javnim nabavkama i podzakonskim aktima, čime bi se ponuđači doveli u nepovoljan položaj, a istovremeno budući da sistem za elektronske javne nabavke u ovom slučaju ne dozvoljava nastavak postupka javne nabavke bez provođenja postupka E-Aukcije Komisija je dala preporuku da se postupak ove javne nabavke poništi.

Članovi Komisije nisu imali izdvojenih mišljenja.

Na osnovu naprijed navedenog prihvaćena je preporuka Komisije za javnu nabavku pa je odlučeno kao u dispozitivu.

POUKA O PRAVNOM LIJEKU: Protiv ove Odluke može se izjaviti žalba Uredu za razmatranje žalbi BiH u roku od 5 ( pet ) dana od dana prijema Odluke. Žalba se predaje putem Kancelarije koordinatora za reformu javne uprave.



Koordinator za reformu javne uprave

Darko Kasap

Dostavljeno:

1. Ponuđačima (fax-om)
2. Kopija članovima i sekretaru Komisije za nabavku
3. a/a